

EPISTOLA XXXVI.

Rm̄i Provincialis totiusque Definitorii
Ordinis Minorum de Observantia

S. Francisci Provinciae
Valentinae.

BEATISSIME PATER.

Provincialis Minister cum Definitorio Valentinae Provinciae Fratrum Minorum de Observantia SANCTITATIS VESTRAE pedibus humiliter provoluti unanimiter exponunt, Venerabilem Patrem Fratrem Antonium Margil a Jesu, dum inter suos commoraretur, nedum vitae puritate, ac morum integritate, verum etiam Seraphici Instituti sedula, puraque observantia mirandum satis exemplar apparuisse Virtutum. Ad Septentrionales postea Indiarum plagas, Deo afflante, vocatus, ut peccatorum ac Infidelium saluti pro singulari, quo aestuabat, animarum zelo provideret, incredibile ferme videtur quot labores pertulerit, quotque quantaque vitae incommoda, supernam hanc missionem expleturus, avidus exantlaverit. Noctes insomnes, indefessas peregrinationes, pedum nuditatem, assidua jejunia, innumera id genus alia veluti suae charitatis lenocinia atque oblectamenta reputans, vincula insuper, carceres, verbera, mortem denique acerrimam, ut veritatem Evangelicam opere ac sermone ibidem firmaret, et Fidem catholi-

§. 72.
Adolescens in Patria
Re. Quasi observantia
soruit.

§. 73.
Pro Christi nomine
vincula, verbera, mor-
tem ardenti animo
concupivit.

cam longe lateque propagaret, nedum non exhorruit, quinimo singulari animi aestu peroptavit. Ingens profecto peccatorum multitudo ad meliorem frugem ejus doctrina et exemplo redacta, innumeri penè Infideles ipsius opera sacro baptismatis fonte renati praeclari hujus Viri Zelum Apostolicum summopere commendare videntur. Eiusdem porro vitae puritas, atque omne genus Virtutum, necnon et miraculorum, quibus praefulsit, ubertas dulciter adeo et efficaciter ad se omnium oculos, et corda pertraxit, ut ubique Indiarum atque Hispaniarum, inter Valentinos praesertim, Venerabilis Patris Fr. Antonii Margil a Jesu nomen post annos ab ejus obitu LXIV. cum dimidio celeberrimum etiamnum habeatur, eundemque propterea albo Sanctorum accenseri SANCTITATIS VESTRAE auctoritate Apostolica vehementer cupiant.

Quocirca idem Provincialis Minister, ac praedicti Patres Definitorii Provinciae Valentinae VESTRAM SANCTITATEM humiliter enixèque adprecantur, ut absolutum auctoritate Apostolica super gestis, et Virtutibus hujus Servi Dei Processum ratum habere dignetur, et ad ulteriora ejus Virtutum, miraculorumque tentamina procedi decernat, ac demum Beatorum fastis adscribat. Mirabilem interea in Sanctis suis D. O. M. instanter exorant, SANCTITATEM VESTRAM diu incolumem servet, atque in totius Ecclesiae emolumentum plures luceat ad annos. Valentiae Edetanorum in Conventu S. P. N. Francisci die XV. Martii MDCCXCI.




Ad pedes VESTRAE SANCTITATIS Apostolicam expetunt benedictionem Minores Servi

§. 74.
Infideles innumeri S.
Fonte regenerati, Pec-
catores ad Christum
adducti V. Viri zeli
monimegeta.

EPISTOLA XXXVI.

*Fr. Josephus Rico Minister Provincialis.**Fr. Antonius Pico Pater antiquior.**Fr. Vincentius Cors Pater immediatus.**Fr. Franciscus Pastor Provinciae Custos.**Fr. Nicolaus Goralbes Definitor pro S. Recollec.
et Provincia.**Fr. Vincentius Cabrera primus Definitor Pro-
vincia.**Fr. Josephus Gonzalez Secundus Definitor.**Fr. Antonius Jrureta tertius Definitor Provinciae.**Fr. Vincentius Julian quartus Definitor Pro-
vinciae.*

Loco ✱ Sigilli.



EPISTOLA XXXVII.

*Reverendissimi Provincialis Ord. Minor.
Observantium S. Francisci Provinciae
Mexicanae.*

PATER SANCTISSIME

SUPREMUS Paterfamilias ad suam excolendam vineam his in ultimis orbis partibus sitam, dignatus fuit provide saeculo decimo septimo immediate transacto Servum suum mittere Apostolici Praedicatoris munere decoratum, Fratrem videlicet *Antonium Margil a Jesu*, familiae de Observantia Sancti Francisci filium, Apostolicum Missionarium, Tribunalis Fidei Commissarium, trium Collegiorum Fundatorem, Guardianum, et demum Missionum de Propaganda Fide tota hac America Septentrionali Praefectum. Hic igitur V. Dei Famulus observantissimus Seraphici Divi Francisci Alumnus, et Apostolorum Successor, omnes has Provincias per summos labores, vitaeque pericula penetravit, lustravitque pene universas, atque integerrimam vivendi normam in eorum incolarum animos, tum vitae sanctitate, ac exercitio virtutum, tum verbis penitus inculpsit, Fideique lumine irradiavit Gentes immanitate barbaras, ac multitudinis, locisque infinitas. Innumera quoque Fidelium loca peragravit, in quibus ejus praedicatione, signis, virtutibus, et exemplo, tanta obcaecatorum hominum multitudo ad viam poenitentiae fuit redacta, ut ad eorum confessiones excipiendas vix longum tempus sufficeret. Hu-

§. 76.
Suprema, & Aposto-
lica munera per Mar-
gillum egregie functa.

§. 76.
Apostolorum successor
existit.

§. 77.
Evangelica voce do-
muit barbaros, Pec-
catores & perditionis
via revocavit.

jus Ven. Servi Dei fama Sanctitatis heroicis virtutibus, miraculis, ac supernis charismatibus orta perpetuo viget, diffunditque sese quotidie latius. Beatificationis, et Canonizationis ejus, qui has in partes rudimenta Fidei, ac sanctitatis normam mirabiliter fovit, et auxit, omnium hujus novi Orbis Incolarum voluntates summopere sunt cupientes. Quapropter PATER SANCTISSIME pronus, et devolutus ad SANCTITATIS VESTRAE pedes, osculoque in eis libentissime posito, Minister Provincialis hujus almae S. P. Francisci de Observantia Eparchiae, Sancti Evangelii Mexici nuncupatae nomine ipsius humiliter rogat, ut benigne totius Americae votis annuas ad Fidelium edificationem, majoremque gloriam Dei O. M. qui SANCTITATEM VESTRAM ad universalis Ecclesiae utilitatem incolumem servet, et beatum faciat. Hoc in Conventu S. P. S. Francisci Mexicanae Civitatis XII. Kalendas Junii anni Domini MDCCXC.

Humillimus SANCTITATIS VESTRAE Servus.

Fr. Franciscus Garcia Figueroa.



EPISTOLA XXXVIII.

Reverendissimi Provincialis Ordinis Minor.
Observant. S. Francisci Provinciae
de Mechoacan in nova Hispania.

SANCTISSIMO D. N.

PIO SEXTO

PONTIFICI MAXIMO

BEATISSIME PATER.

Provincia Sanctorum Apostolorum Petri et Pauli de Mechoacan Regularis Observantiae Sancti Francisci in Nova Hispania Americae Septentrionalis, quae dudum huic Apostolicae Sedi demissas exhibuit preces pro introductione Causae Beatificationis Ven. Servi Dei Antonii Margil Sacerdotis Professi ejusdem Ordinis, et Alumni Seminarii de Propaganda Fide in eadem Provincia nuncupati Sanctae Crucis de Queretaro, denuo supplices hasce litteras ad pedes SANCTITATIS VESTRAE mittit, humiliter per suum Ministrum Provinciale postulans, ut confectos in haec Orbis partibus auctoritate, et ex commissione Apostolica Processus super fama Sanctitatis, virtutibus, ac miraculis ipsiusmet Ven. Servi Dei, qui nunc, una cum istis litteris, ac coeterorum status ordinum postulationi-

bus, Urbem mittuntur, a Sacra Rituum Congregatione ad effectum praedictae Beatificationis in examen vocandi, SANCTITAS VESTRA benigne dignetur accipere, et suo infallibili iudicio comprobare, ut ipsa decernente, praedicto Dei Servo inter Beatos relato, liceat huic Provinciae, cujus extitit Filius, coeterisque Americae Populis, apud quos fama ipsius Sanctitatis quotidie augetur, publico cultu venerari Apostolicum Virum de ipsa Americana, immo de tota Ecclesia Catholica benemeritum, qui quoad vixit, tum Gentiles plurimos ad ejus sinum perduxit, cum Fideles populos hujusce vastissimae Regionis, assidua verbi Dei praedicatione, laboribus, ac non semel prodigiis, uti fama refert, supernis, ad Christianam pietatem accendit, et in ea optimis vitae exemplis confirmavit.

Hoc est, BEATISSIME PATER, quod infra-scriptus Minister Provincialis humillimus SANCTITATIS VESTRAE Orator, suo, ac supramemoratae Provinciae nomine, demissa animi veneratione, suppliciter, et instantissime postulat, DEUM OPTIMUM MAXIMUM enixe rogans, ut Te, BEATISSIME PATER, diutius incolumem reddat ad totius Ecclesiae tuae decus, et incrementum. Datis in hoc S. Francisci Minorum Observantium Conventu Civitatis Queretarensis die 12. Januarii anni 1790.

BEATISSIME PATER.

SANCTITATIS VESTRAE pedibus sacratissimis provolutus eosdem humillime exosculatur
Fr. Antonius Fernandez Minister Provincialis
Mechoacanensis Provinciae.

§. 78.
De Christiana Rep.
benemeritis Christianis
no ritu colendus.

Rm̄i Provincialis Ordinis Strictioris Observantiae Discalceatorum S. Francisci

Provinciae Mexicanae

SANCTISSIME PATER.

AD te igitur Patrem Patrum Pusillus Grex Sancti Didaci, Mexicana Discalceatorum Provincia, quia suo complacet Patri, a quo bona cuncta procedunt, accedit deprecatura, ut audire facias vocem tuam, vocem virtutis, vocem magnificentiae, in omnemque terram audiatur sonus, quo Apostolicum, Venerabilemque Patrem Antonium de Margil, inter Dei Sanctos, et Electos collocare digneris: Iste est BEATISSIME PATER, qui perfecit omnia, quae loquutus est ei Deus: Iste est, qui ante Deum magnas virtutes operatus est: Iste est, qui vitam mundi contemnens, permultas peragravit Provincias, per vicos, et plateas, centesimum colligens fructum in sudore, in patientia, in frigore, et nuditate verbum seminando Dei, per omnesque vias Patris sui ambulans, in humeros oves, quae fuerant periturae, portabat.

Ad Te ergo, BEATISSIME PATER, qui in Cathedra Petri sedes, supplices rogamus, ac petimus, ut nostras deprecationes benignè suscipias, et

M

§. 79.
Fidelis prudentisque
Servi, ac Evangelici
Operarii imago in
Margilio mirifice expressa.

90 EPISTOLA XXXIX.

Venerabilem *Antonium de Margil* Sanctorum Fastis adscribas. Da, BEATISSIME PATER, gloriam Deo, Populis laetitiam, et tuis Fidelibus tuam Sanctam, et Apostolicam Benedictionem. In hac Civitate Mexicana xii. Kalendas Julii Anno Domini MDCCXC,

Sacratissimos SANCTITATIS VESTRAE deosculatur pedes:

Fr. Franciscus Marchante Vicarius Prov. Provinciae Sancti Didaci de Mexico.



91 EPISTOLA XL.

Adm. Reverendorum Praesulum Regularium Civitatis Guadalaxariensis.

SANCTISSIME PATER.

Magnus ille Dominus, qui in Servis suis mirabilis semper, atque laudabilis nimis nobis apparere aeterna sua bonitate minime dubitavit in tam abditis, dissitisque novi Orbis plagis mittere dignatus est Servum suum, Deo, hominibusque, dilectum Fratrem videlicet *Antonium Margil a Jesu*, Valentiae oriundum, Seraphicae familiae de observantia S. Francisci filium, Apostolicum Missionarium, Tribunalis Fidei Ministrum delegatum, trium Collegiorum Fundatorem, ex Guardianum, et Missionum de Propaganda Fide tota hac America Occidentali Praefectum; ut esset Dei salus usque ad extremum terrae, contritis corde mederetur, indulgentiam captivis praedicaret, clausisque aperitionem; insimul annum Domino placabilem annuntiaret, omnes lugentes consolaretur, in omnem denique terram sonus ejus exiret, et verba ipsius in Orbis terrae fines resonarent; ut haec novae Galleciae Perillustris Metropolis iterum, atque iterum summo cum gaudio testata est, atque in seipsa experta confitetur.

Quapropter supplices BEATITUDINIS VESTRAE deosculantes pedes Praelati Locales ipsius Ci-

M 2

§. 80.
Fidei integritati, et incremento per apostolica munera studuit.

§. 81.
Ad remotissimas atque terras vox Margilii pervenit.

EPISTOLA XL.

vitatis Guadalaxarensis, Sancti Patris Dominici nempe, Seraphici Patris Francisci, Doctoris Magni Augustini, Dei Genitricis Mariae de Monte Carmelo, Verbi parae de Mercede Redemptionis Captivorum, Hospitalitatis S. Joannis de Deo, et Regalis Nosocomii Sancti Michaelis Bethlemitarum Ordinis, humiliter rogant, exposcuntque Beatificationis, et Canonizationis prosecutionem Fidelis istius Coelestis familiae Patris Servi, qui in diebus suis monstra idolatriae placavit, suffulsit Domum, atque infatigabili praedicatione, et exemplo mirabili corroboravit templum.

Existimantes equidem hoc quam maxime ad Fidelium aedificationem, totius Populi Christiani utilitatem, majoremque gloriam conducere Dei Optimi Maximi, qui SANCTITATEM VESTRAM propter universalis Ecclesiae salutem incolumem servet, atque beatum faciat.

Datis in hac Civitate Guadalaxarensi die trigesima mensis Decembris Anni Domini millesimi septingentesimi octogesimi noni.

SANCTITATIS VESTRAE Filii addictissimi

Fr. Vincentius de la Peña Prior, et Vicarius Provincialis Ord. Praedicator.

Fr. Antonius de Zamudio Guardianus.

Magister Fr. Joseph de Sylva hujus S. Josephi Collegii Rector.

Fr. Emanuel a S. Joachimo Prior Carmelitanus.

Fr. Franciscus Davila hujus Mercadensis Conventus Commendator.

Fr. Emanuel Bonifacius a Nativitate Prior Hospitalitatis.

Fr. Joannes a Bethlem Praesul Nosocom. Regal.

§. 82.
Idolatriae monstra
sugavit.

EPISTOLA XLI.

Admodum Reverendorum Praesulum
Regularium Civitatis Vallisoletanae
in America.

SANCTISSIME PATER.

Praesuli Regulares Vallisoletanae Urbis in America dum VESTRAE SANCTITATI per preces nostras praesto sumus, ad Beatificationem Seraphici Patris Alumni revera inclyti Patris Antonii Margil gaudio summo adipiscendam, mittimus prodigia, quae per eum a Deo Optimo Maximo patrata sunt, aerumnas, calamitates, miserias, quas pro nomine Jesu aequo animo pertulit, atque animi ornamenta, quae illi singularia esse videntur: quia ista omnia Sanctae Romanae Ecclesiae Eñorum Cardinalium, et Theologorum munus est proprium in examen reducere. Unum igitur nostrum est, quod scilicet, majori, qua possumus, veneratione, ex infallibili Authoritate Vestra velut ex penuario Veritatum praefati Dei Servi Beatificationem depromere acquiramus. Ita enim deprecamur enixe; et statim ac ipse Beatorum fastis ascribatur, VESTRAE BEATITUDINI, SANCTISSIME PATER, gratias quam maximas agemus. Interim Deum orantes, ut totius Ecclesiae bono vitam salutemque vestram quam diutissime sospitet, infrascripti Servi, et Sub-

§. 83.
Aerumnas pro Christi
aequo animo tulit.

EPISTOLA XLI.
diti SANCTITATIS VESTRAE pedes humillime ex-
osculamur

Vallisoleti die 15. Dec. an. 1789.

P. Fr. Joseph la Rode Guard. Observ.

P. Fr. Augustinus a Salceda Guardianus

P. Fr. Joseph Huerta Commendator

Fr. Isidorus de Roa Prior

P. Fr. Joseph a Sma Trinitate Praesidens

EPISTOLA XLII.

Admodum Reverendorum Praesulum
Regularium Civitatis Zacatecarum

BEATISSIME PATER.

DEI omnipotentis gloria, mirabilis in Sanctis suis, olim novi hujus Orbis Incolarum corda permovit, ut ad Jesu Christi in terris vices gerentem proni, ac provoluti, orando, per litteras irent, ut quas mittebant humillimas preces, non pateretur irritas fore, cui utpote Dominici gregis, per universum Orbem diffusis, cura, et patrocinium superna dispositione mandatum, quorumlibet pia vota Fidelium, ad exauditio- nis gratiam, datum est libenter admittere. Rogabant igitur, postquam ad mortis occasum lacrymosa facie videre pertingere Virum utique Sanctitate famosum, Fratrem scilicet Antonium Margil a Jesu, Seraphici In- stituti Sancti Francisci Cultorem, in Vineam Domini Operarium pervigilem, Collegiorum de Propaganda Fide Fundatorem egregium, qui Dei charitate flagrans animarum zelo exardescens, hujus mundi plagas ope- rum, ac verbi sui lucibus, veluti sol radiantissimus per gyrum lustravit; nedum Fideles a via vitae devios ad meliorem frugem revocando, verum et infidelitatis barathro absortos, sacro Fonte tinctos sinui Ecclesiae aggregando: ut de plenitudine benignitatis Apostoli- cae, quando fieri posset, ad Orientem illum dignaretur redire: ut in Ecclesiae Coelo inter Sanctos relatus,

6784.
Marcellus Americanus
Sol Fidelium, et In-
fidelium corda lustra-
vit.